



Imaqarniliaq

Timersoqatigiit Kattuffiata ileqquusumik ataatsimeersuarnera
Arfininngorneq ulloq 7. november 2025
Hotel Hans Egede, 3900 Nuuk

Najuuttut:

GIF-imi siulersuisut:	5
ASG – Arctic Sports Greenland:	3
BKN – Sulorartartut:	3
SK – Sisorartartut Kattuffiat:	3
GTF – Taekwon-do:	3
GTTF – Nerrivimmi arsaartartut:	2
KAK – Isikkamik Arsaattartut Kattuffiat:	3
KVK - Volleyball:	3
TAAK – Timersoqatigiit Assammik arsartartut Kattuffiat:	3
<u>Qaannat Kattuffiat:</u>	<u>3</u>
<u>Najuuttut katillugit:</u>	<u>31</u>

Taasisinnaasut amerlanerpaaffissaat: 32

Taasisinnaatitaasut najuuttut: 31

Pisinnaatitsissummik taasisinnaasut: 1

Taasisinnaatitaasut: 32

Ataatsimeeruarnermi malittarisassat malillugit oqaluuserisineqarput:

1. Aqutsisussamik qinersineq
2. Oqaluuserisassat akuerineqarnerat – Bilag 1
3. Taasinermt aammalu pisinnaatitaanermut udvalgimik qinersineq
4. Siulersuisut nalunaarutaat
5. Naatsorsuutit akuerisassanngorlugit saqqummiunneqarnerat (bilag 2). Missigersuutit saqqummiunneqarnerat (bilag 3) aammalu ilaasortat ilaasortaanermut ukiumoortumik akiliutigisartagaata aalajangiunneqarnera
6. Siunnersuutit tinguneqarsimasut oqaluuserineqarnerat – Bilag 4
7. Siulittaasup tullianik qinersineq – Bilag 5
8. Siulersuisunut ilaasortamik ataatsimik qinersineq – Bilag 5
9. Siulersuisunut sinniisunik pingasunik qinersineq
10. Amatør & ordensudvalgimik qinersineq
11. Kukkunersuisumik qinersineq (ukiut tamaasa)
12. Tamalaat
 - a. KVK-p oqaluuserisassatut siunnersuutai – Bilag 6

Tikilluaqqusineq

Naalakkersuisoq Nivi Olsen ataatsimeersuarnerup ammarneqarnerani peqataasut tikilluaqquai, aammalu timersornermik suliaqartut peqataanerat qutsavigalugu. Oqalugiaammuni ilaatigut makku erseqqissarpai: aningaasaliissutigineqartartut, timersortarfiit, timersorneq ataatsimoorfiusoq ineriartortinneqassasoq, siunissaq pillugu takorluukkat, kajumissutsimik suliaqartut pitsanngorsarnissaat taavalu kattuffiit GIF-illu suleqatigiinnerat pitsaanerusariaqartoq.

Siulittaasoq Claus Nielsen ataatsimeeruarnermut tikilluaqqusilluni oqaaseqarpoq, najuuttullu orningullutik ataatsimeersuariarsimanerat nuannaarutingalugu oqaatigaa. Ataatsimeersuarneq ammarneqarpoq.

1) Aqutsisussamik qinersineq

Siulittaasup Claus Nielsen-ip aqutsisussatut Miki Lynge toqqarneqarnissaa innersuussutigivaa, tamannalu katerittunit Miki Lynge aqutsisussatut innersuunneqarnera akuersissutigivaat. Aqutsisutut toqqarneqarnini Miki Lynge-p qujassutigivaa. Aqutsisup ataatsimiinnissap inatsisitigut naapertuuttumik nalunaarutigineqarsimanera taamaalillunilu ingerlanneqarsinnaanera nalunaarutigaa. Tamatuma saniatigut oqaluuserisassat nassiunneqarsimanerat kiisalu piffissaq eqqorlugu siunnersuummik ataatsimik, siulittaasut aappaattut kiisalu siulersuisunik ilaasortassanik qineqqusaartussat nassiussisoqarsimanera ilisimatitsissutigineqarpoq.



2) Oqaluuserisassat akuerineqarnerat
Oqaluuserisassat akuerineqarput.

3) Taasinermut aammalu pisinnaatitaanermut udvalgimik qinersineq
Taasinermut udvalgitut qinerneqarput Uiloq Mathæussen, Kista H. Lennert kiisalu aqutsisoq Miki Lynge. Taakkulu akuerineqarput.

Nal. 14.24 taasisinnaatitsissut ataaseq nassiunneqarsimavoq, taasinerup kingusinnerpaamik tunniussivigineqarnissaa nalunaaqutserneqarsimavoq nal. 13.45. Aqutsisup eqqaavaa malittarisassani pisinnaatitsissutit killeqartinnerat pillugit allassimasoqanngitsoq, taamaammat siunnersuutigaa pisinnaatitsissut atuutsinneqassasoq, peqataasut pisinnaatitsissut akuersaarpaat.

Aqutsisup erseqqissarpaa ataatsimeersuarnermi taasisinnaasut 32-iusut, taakkunannga pisinnaatitsilluni taasissutissaq ataaseq tunniunneqarsimavoq. Malittarisassanut allannguutissatullu siunnersuutit akuerineqassappata minnerpaamik 2/3-it akuersissapput, tassa taasinerne 22-it akuersissasut aqutsisup erseqqissaatigaa. Sinneri amerlanerussuteqaannarluni aaliangiiffiussapput.

4) Siulersuisut nalunaarutaat

Siulittaasoq Claus Nielsen siulersuisut nalunaarutaannik powerpoint atorlugu saqqummiivoq, taannalu ilanngussatut 1-itut ilanngunneqarpoq.

Oqaaseqarusuttut arlallit oqaaseqarput:

Sequssunap Para Olympics ingerlanneqarsimanera eqqaavaa, innarluutillit aamma sullinneqartut paasissutissiivoq.

Aron Jonathansen, KAK: AWG-imi peqataasartut amerlanerulernissaat, nunatsinni timersortarfiit pitsaanerulernissaat, kajumissutsimik suliaqartut amerlisarnissaat, timersuutiminnilu siunissami kattuffiit immikkoortissinnaaneraat kissaatigaa: Futsal taavalu arsarneq.

Paaviaaraq Heilmann, SK: silami timersornermi atortut aamma aserfallakkiartorput. Ilulissani sisorarfik UNESCO peqqutaalluni sisorarfissaq killeqarnera, allami aamma sumiiffimmi UNESCO pilersinneqarniarqoq eqqumaffigeqquneqarpoq.

5) Naatsorsuutit akuerisassanngorlugit saqqummiunneqarnerat. Missigersuutit saqqummiunneqarnerat, aammalu ilaasortat ilaasortaanermut ukiumoortumik akiliutigisartagaata aalajangiunneqarnera

Naatsorsuutit kukkunersiorneqarsimasut pisortap Jonas Jensen-ip saqqummiuppai. Ulluinnarni naatsorsuuserisoq Agerskov Consulting atorneqarpoq, kukkunersuisoq BDO.



Isertitat: 39.034.000 kr.

Aningaasartuutit: 39.800.000 kr.

Naatsorsuutit inernerat: -644.000 kr. Tassa Timersoqatigiit Kattuffiat 2024-imi 644.000 kr.-imik amingartooruteqarpoq.

Jonas Jensen-ip oqaatigaa ukiuni tulliuuttuni Timersoqatigiit Kattuffiata egenkapital-ia milliartortinneqassasoq 5 mio. kr.-imut, taamaammallu amigartooruteqarluni ukiuni tulliuuttuni ingerlanissaq pilersaarutaasoq malillugu ukioq 2024-imi amigartooruteqarfiuvoq.

Saqqummiussaq ilanngussami 2-mi takuneqarsinnaavoq.

Timersoqatigiit Kattuffiata 2024-imi naatsorsuutai taasisinnaatitaasunit tamanit akuerineqarput.

Oqaaseqarusuttut arlallit oqaaseqarput:

Bjørk Lange, TAAK: apeqqutigaa naatsorsuutinit ikiorsiineq sumik aallaaveqarnerisq. Jonas Jensen akissuteqarpoq, TAAK VM-imut anngunniutsitsineranut atatillugu TAAK-ip egenkapitalia apparujussuarnikuusoq, taamaalilluni GIF-ip paasiniarnikuuaa inatsisitigut qulakkeerniarlugu.

Whistleblower-i aamma atuutsinneqalernikuuvoq.

Isersimasuni taasisinnaasut 31-ini, aningaasaqarneq 2024-mut akuersisut nappaasut: 31

Pisortap Jonas Jensen-ip Timersoqatigiit Kattuffiata 2026-imut missingersuutai saqqummiuppai.

Saqqummiussaq ilanngussami 2-mi takuneqarsinnaavoq.

Naatsorsuutigineqarpoq Timersoqatigiit Kattuffiat 2026-imi 1.300.000 kr.-imik amingartooruteqassasoq, taamatullu ingerlanissaq ukiuni tulliuuttuni egenkapital-ip 5 mio. kr. missaanut inissinnissaanik peqquteqarpoq.

Missingersuutit ima isikkoqarput:

Isertitat: 46.600.000 kr.

Aningaasartuutit: 47.880.000 kr.

Nikingassut: -1.300.000 kr.

Kattuffiit arfineq marluk naatsorsuuserisutut Agerskov Consulting atorpaat, GIF-ip siunnersuutigaa kattuffiit tamarmik qulingiluaasut tassunga ilanngutissasut GIF aningaasartuut akilertarpaa.



Erseqqissaassutigineqarpoq International pulje ukioq ataaseq affarlu sioqqullugu qinnuteqarfigneqartassasoq, missingersuutitut nikisitserujussuarsinnaasarami.

Michael Kleist apeqqutillivoq egenkapital 5 mio. kr. qanoq pingornikuunersoq.

Jonas Jensen akissuteqarpoq egenkapital corona nalaa sioqqullugu 5 mio. kr. missaaniittuusimasoq, taannalu malinneqassasoq aaliangiiffigneqarnikuuvoq, siulersuisut aaliangernikuuat 5 mio. kr. minnerpaaffiussasoq ilimaginngisamik aningaasartuuteqartoqariataarsinnaanera peqqutigalugu.

Ilaasortat akiliutigisartagaat:

2025-imut siunnersuutigineqarpoq Kattuffinnut ukiumut ilaasortaaneq 100 kr.-eqassasoq, peqatigiiffiit kattuffeqanngitsunut aamma 100 kr-mik akeqassaaq. Siunnersuut akuerineqarpoq.

Akuersisut nappaasut 31, pisinnaatitsissuteqarluni akuersisoq 1, akuersisut katillugit: 32

6) Siunnersuutit tiguneqarsimasut oqaluuserineqarnerat

Aqutsisup erseqqissaassutigivaa allannguutissatut siunnersuutit akuerineqassappata taasisuni 22-it akuersisariaqartut, malittarisassani allaqqammat 2/3-i akuersissasut.

Timersoqatigiit Kattuffianni siulersuisoq Frederik Lundbladip malittarisassanut allannguutissatut siunnersuut saqqummippaa:

Malittarisassanut allannguutissatut siunnersuut – § 13-mi sinniisussat pillugit immikkoortoq nutaaq 12 ilanngunneqanissaanik: Imm. 12. Sinniisut aallartitat ataatsimiinneranni siulersuisuni ilaasortat akissarsiaasa annertussusilertarnissaat sinaakkutissaallu ukiut tamaasa aaliangiiffigneqartassaaq, tassunga ilanngullugit siulittaasumut, siulittaasup tullianut siulersuisunilu ilaasortanut akissarsiat annertussusissaat. Siulersuisut siunnersuuteqarsinnaapput. Aalajangiineq missingersuut akuersissutigineqarnerani pisassaaq

Taasisinnaasut 32

Siunnersuummut akuersisut: 32

Siunnersuummut akuersinngitsut: 0

Aqutsisup oqaatigaa aappaagumiit atuutilersinnaangussasoq missingersuutit ataanni, ukioq manna oqaluuserisani taanna qaangerneqareermat.

Malittarisassanut allanneqassaaq allannguut akuerineqartoq immikkoortoq 5-imi.

Aallartitat ataatsimiinneranni siulersuisut aningaasarsiassaat aaliangerneqassasoq.



Aallartitat ataatsimiinneranni aaliangiiffissat ataatsimik ilapput.

7) Siulittaasup tullianik qinersineq

§ 5: Malittarisassat malillugit qaammat ataaseq sioqqullugu qineqqusaartut sassassapput, tamannalu eqquutsinneqarpoq.

5 minut qineqqusaarneq ingerlavoq, qineqqusaartut Bolethe Stenskov aamma Johanne B. Tobiassen

Taasisinnaasut 32-ni taasipput, ataaseq pisinnaatitsissumik tunniussaqaarluni taaseqataavoq:

Bolethe Stenskov: 6

Johanne B. Tobiassen: 26

Taamaasilluni Johanne B. Tobiassen siulittaasup tulliatut qinigaanerpaalluni inississaaq.

8) Siulersuisunut ilaasortamik ataatsimik qinersineq

Frederik Lundblad issiavia taasissutigineqarpoq. Pingasut sassarput ukuusut: Frederik Lundblad, Arnannuaq Steenholdt aammalu Anga Peter Edvardtsen.

Taasisinnaasut 32-ni taasipput, ataaseq pisinnaatitsissumik tunniussilluni:

Frederik Lundblad: 21

Arnannuaq Steenholdt: 3

Anga Peter Edvardtsen: 8

Taamaasilluni Frederik Lundblad siulersuisuni ingerlaqqippoq.

9) Siulersuisunut sinniisunik pingasunik qinersineq

Ilersimasuni sinniisussatut sassartut sisamaapput tassaasut: Anga Peter Edvardtsen, Aron Jonathansen, Vivi G. Lennert aammalu Angerlaq Olsen.

Taasisinnaasut 32-ni taasipput, ataaseq pisinnaatitsissumik tunniussilluni.

Taasisinnaasut pingasunik taasipput, amerlanernik taaneqartut pingasut qinigaapput:



Vivi G. Lennert: 30 (Sinniisussaq siulleq)
Anga Peter Edvardtsen: 23 (Aappaattut inissippoq)
Aron Jonathansen: 22 (Pingajuattut inissippoq)
Angerlaq Olsen: 20 (Sinniisussatut isinngilaq)

10) Amatør & ordensudvalgimik qinersineq

Sinniisussatut sassartut:

Poul Olsen najuutinngikkaluarluni qinigassanngorteqqilluni kissaateqarpoq.

Egalunnguaq Abel Kristiansen ingerlaqqikkusunngilaq

Jørgen Isak Olsen ingerlaqqikkusulluni kissaateqarpoq

Kim Rosing ingerlaqqikkusulluni kissaateqarpoq

Bolethe Stenskov qinigassanngortippoq

Villiam Olsen qinigassanngortippoq

Andreas Geisler qinigassanngortikkusukkaluarpoq, kattuffimminili Amatør & Ordensudvalgimiikkami qinigassanngortissinnaanngilaq.

Apeqqutigineqarpoq amatør & ordensudvalg naapikulanersut - suliassaqaleraangalli aatsaat naapittarput.

Erseqqissaassutigineqarpoq peqatigiiffimminni imaluunniit kattuffimmi amatør & ordensudvalgimi issiasut qinigassanngortissinnaanngitsut.

Qinigassanngortittut tallimaasut qinerneqartussaammata tamarmik iserput.

11) Kukkunersiuisumik qinersineq (ukiut tamaasa)

Massakut BDO atorneqarluni innersuussutigineqarpoq. BDO toqqarneqarpoq.

12) Tamalaat

a. KVK-p oqaluserisassatut siunnersuutai – Bilag 6



Kajumissutsimik suliaqarnermik suliallit ikiliartorput, soorlu sungiusaasut, ingammik árgang arlalinnut sungiusaasuugaanni angalanerit arlallit peqataaffigigaanni feriemik annaasaqarneq annertusarpoq. Taamaammat KVK-p immikkoortut sisamat kajumissutsimik sulialinnut pitsanngorsaataasinnaasut oqallisissiatut siunnersuutigai, taakku bilag 6-imi atuarneqarsinnaapput.

Siulittaasup Claus Nielsen-ip tabt arbejdsfortjeneste inatsisitigut aaliangerneqarnikuunera eqqaavaa.

Jonas Jensenip eqqaavaa misiliutitut ingerlasoqartoq oqartussani sulisut ukiumut ullut suliffiit tallimat akissarsiatik annaasaqaatiginagit kajumissutsimik suliaqarsinnaatitaasut.

Rosannguaq Petersenip oqaatigaa iluamik atorneqarsinnaanngitsaq, suliffimmi aqutsisoq naameersinnaatitaammat.

Hans Frederik Olsenip oqaatigaa aningaasaliisoqarsinnaanera periarfissat sulluunniit ujjartorneqartariaqartut, aningaasat pisartakkat saniatigut peqqittariaqartugut, taakkununga atorsinnaasatsinnik aamma namminersortut eqqarsaatigalugit.

Frederik Lundbladip oqaatigaa sunniutaa qanoq kinguneqarnerisq misissoqqinneqartariaqartoq, politikkerinut apuutissallugu siulersuisut sulissutigissavaat.

Kulunnguaq Pedersen isumaqarpoq 2,1 % arbejdsmarkedsafgift-imut akiliutigineqartartoq 1,9 %-mut appartinneqarsinnaannginnersoq, Jonas Jensen paasissutissiivoq 0,2 % barselsfondinut akiliisoqartartoq.

Carsten Olsenip siunnersuutigivaa suleqatigiissitaliortoqassasoq Timersoqatigiit Kattuffiata siulittaasuinik aammalu kattuffiit siulittaasuinik aallartitaqalissasoq eqqartukkat misissornissaanut kajumissutsimillu suliaqartut pitsanngorsaavigineqarnissaanik sunniiniartussat.

Aallartitat ataatsimeersuarnerat naammassartormat Frederik Lundblad qujassuteqarpoq, taamatuttaaq Miki Lyngé qujavoq torersumik ataatsimiinneq ingerlammat.

Kim Rosing Sammisassat.gl ajoqattaarnera eqqaavaa iliuuseqartoqarsinnaanersorlu apeqqutigalugu. Poul Petersenip akissuteqarfigivaa iliuuseqarfigineqartoq sapaatillu akunnera tulleq misissorneqassasoq, kikkut isissuteqarnerisut kikkullu isersinnaannginnersut.

Johanne B. Tobiassen taasisunut qujassuteqarpoq nuannaarutigivaalu foreningsportal taarserneqarnissaa, KVK-ip oqallisarutaanullu tapersilluni.



**Timersoqatigiit
Kattuffiat**
Grønlands Idrætsforbund



#Aalasa

Siulittaasoq Claus Nielsen Johanne Frederillu qinigaanerannut pilluaqqusivoq, Bolethe Stenskov-Illu suleqataasimanera qujassuteqarfigalugu, sulianut annertuunut suleqataasimaneranut taavalu arnani siullertut siulittaasuni ilaasortaasimanera eqqaallugu.

Bolethe Stenskov tapersersuinikunut tamanut qujassuteqarpoq, meeqqat sullilluarneqarnissai kissatigivaa, siulersuisunut sulisunullu qujassuteqarpoq.

Siulittaasoq naggasiilluni oqaaseqarpoq, aqutsisullu aqutsilluarsimanera qujassutingalugu. Timersornermut naalakkersuisoq Nivi, siulersuisut allaffeqarfimmiullu qutsavigai.

Ataatsimiinneq nal. 17:56 naammassivoq.

Ulloq: 21/11-25

Miki Lyng

Ataatsimeersuarnermi aqutsisoq

